





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.247/a





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.247/a





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.247/a




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.247/a

1.6.247







1-6-24¹⁴ A

Ex Legato Dni. Equitij Antonii
Francisci de Marmis

Handwritten text, likely a library stamp or signature, appearing as a faint, mirrored impression.



1-6-247 8
PARALIPOMENON
^{De}
HISTORICIS GRÆCIS
CENTVRIÆ QVINQVE

[plus minus]

Quibus præmittitur

DISCVRSVS

^{De}

SUMMO BONO

Hominis in hujus vitæ Miseria

Tractans & ostendens in quibus illud consistat, &

quinam ex Antiquis Philosophis de illo præ aliis

propius ad Veritatem accesserint :

AUCTORE

BERNARDO à MALLINCROT

Decano Monasteriensi & Electo Coadjutori Mindensi,


nec non Seniore Canonico ibidem.



COLONIAE AGRIPPINAE,

Imprimebat Vidua HARTGERI WORINGEN,

Anno M. DC. LVI.





Clarissimo & Integerrimo Viro, Domino
JOANNI KINCKIO
 SENATORI ET BIBLIO-
 polæ Agrippinati in sanctâ & celeberrimâ
 Vbiorum ad Rhenum Coloniâ, Amico & Fauto-
 ri optimo & æstimatissimo.



A M I C I T I A , quæ à pluribus jam
 annis, Clarissime D. K I N C K I , mihi tecum
 intercedit, & utrimque eo, quo par est, inter
 Germanos, Christiana sacra in Catholica com-
 munionem professos & à bonis litteris non alie-
 nos candore sincerè semper culta est, impulit
 me, ut hunc, quantūvis tenuè & exilè de Histo-
 ricis quibusdā Græcis Libellum, tanquam ube-
 rioris à sæculi nostri eruditissimo, deque Litteraria Republica opti-
 mé merito, Scriptore collectæ, & magno cum applausu in publicos
 usus erogatæ messis paulò jejunijs Spicilegium, nomini tuo inscri-
 berem. Mos hic jam inde ab antiquo, ut nosti, & ultima ferè ex quo
 eruditio & illius æstimatio in honore fuerunt memoria tralati ius &
 vulgarissimus habetur; nec novum est, hoc officii genere ipsosmet
 Bibliopolas etiam & Typographos demulceri. Fecerunt id ex recen-
 tioribus post renatas Litteras non pauci, ac imprimis, ne quid de Era-

DEDICATIO.

mo, Scaligero, Lipsio aliisque dicam, Conradus Gesnerus, in eruditissimis Pandectarum Libris suis, quorum plerosque Typographis ævi sui nominatioribus sigillatim dicavit; Ex antiquis illustre Quintilian i exemplū superest, qui Tryphoni Bibliopolæ Romano ante quem Sossii, Horatio memorati, Libraria negotiatione illic Inclaruerant, Oratorias Institutiones suas si non inscripsit, saltem præliminari epistolio commendavit, eaque ratione hominē, alias absque hoc, & Martiale, si esset, nobis planē incognitū, ad omnē posteritatē vita donavit, celebreque in perpetuū nomē eius fecit. Hoc Tui adminiculo minimē indiges (nec mihi etiam tam grandia præstandi arrogantia est (qui tot egregiis passimque celebratissimis variorum Auctorum editionibus, proprio Marte tuo te immortalem fecisti, nec tamen propterea tibi improbari debet hoc institutum meum. Non possunt enim non grata esse chartacea hæc munuscula iudiciosis eiusmodi rerum æstimatoribus, illis inprimis, quorum existimatio & fama, ne quid de minutioribus dicam, hac præcipuē mercede nititur, eiusque beneficio & suæ ætatis hominum favorem, & sequentium seculorum notitiam laudemque sibi conciliant. Ac certē æquitatis ratio id exigit, ut hoc quoque gratitudinis genere honorentur, quibus id unicē propositum est, & toto vitæ suæ tempore agitur, ut bonorum Auctorum excusatione publicē prosint, deque honestis studiis, & bonarum literarum amatoribus quam optimē mereantur. Quam eximie hoc à Te cumque maxima commendatione Tua in præsens usque præstitum sit, non attinet à me commemorari, cum pridem eo nomine publicæ laudis præconia (quæ vel soli operum S. Bernardi Clarevallensis in publicum emissioni, debentur, quamvis istam palmam, cum recolendæ memoriæ editore & illustratore eius Merlo-Horstio, in quo dum viveret eruditionis & pietatis amicissimus de præcedentiæ prærogativa confictus fuit, communem habeas) per omnem Europam promerueris, & in hac vergente ætate Tua necdum cesses, ut reliqua præteream, de Ecclesiastica Historia & sacris Scriptoribus, ut semper fecisti, deinceps etiam benè mereri. Miraberis tamen, ut facili mihi persuadeo, quo es in hoc fori tui negotio, acumine, quod ausus sim hoc revidens munusculum non tantum Tibi privatim offerre, sed etiam in hac seculi nostri luce & exactiori tot præcellentium ingeniorum, centura, publicē legendum exhibere, cujus quoque parum consulti

quod

DEDICATIO.

quod fateri compellor, facti mei aliquos non miratores tantum, sed etiam reprehensores, uti minime dubitandum est, habebo. Præstat igitur, cum pigeat de re levicula cum quoquam contendere, nec conveniens sit, ut nugis sua ratio constet, præpostera sollicitudine fatagere simpliciter & ingenuè culpam agnoscere veniamque precari, quæ, ut benè confido, apud bonos & humanitatis magisterio faciles (reliquum enim vulgus plus satis tubinde morosum & tetricum parum moror) tantò paratior erit, quod sciant neminem teneri otii sui rationem reddere, nec solere probari illos, qui in alienis scriptis nimis ingeniosi videri affectant. Si tamen putidum non sit paucis indicare, quid me ad hanc editionem permoverit, accipe eius rei eandem duplicem. E litterariis exercitationibus & studioso otio adversis rebus, post Deum & Divina cum laude & fructu solatia peti, omnium seculorum experientia comprobat, eiusque rei cum plurima alia, tum in primis admodum luculenta & illustria (ne illos iam commemorem, quos in exilio Historias suas scripsisse Plutarchus refert) in Cicerone & Boethio documenta supersunt. Quidni igitur ego etiam, qui cum Nasone si non conqueri, quod virilia & fortia pectora non decet, saltem verè referre possum,

Nubila sunt subditis tempora nostra malis.

Ea conquerere, illisque opponere studeam Amuleta & Alexica pharmaca, quæ ægritudines ab animo arceant, & illic nidum constituere non permittant, unde, sint Deo laudes, hætenus exclusæ sunt & per cælestem eius gratiam feliciter præpeditum est, ne ingrata istæ & molestæ hospites tranquillæ animi serenitatem & bene fundatum in Divina voluntate inconcussi pectoris robur, turbident & interturbent. Altera causa, priori isti hæc accessit, quod præstare putaverim, quicquid hoc est rhapsodicæ collectionis, cum vivente me, à quo maluissem, factum non sit, à me potius emitti, quam, ut postquam vixerim, à quo fortè nolim id fiat: nescio enim quo casu ad alienas manus horum Collectaneorum non minimæ partis (postmodum enim, ac nuper admodum anterioribus istis non pœnitenda accessio obligit) me incito, Apographum pervenerit. Et commodum evenit, ut dum, an

DEDICATIO

dum, ante annum, & quod excurrit in excutiendis & perlustrandis schedis meis aliòque transferendis re ita ferente, occuparer, forte fortuna Autographum, quod longo tempore delitescens periisse putaveram, inopinatò rursus comparuerit. Quia autem verendum mihi fuit, hæc Paralipomena mea quibusdam macilentiora visum iri, quam ut gustui non insipidi libatoris displicere nequeant, præmisi illis de summo Homini in hac mortali vita Bono, Diatribam, in qua quid intendam & propositum habeam ipsemet huius Editionis titulus indicat, & præterea subsequens ingressus idem paucis exponit. Nec prorsus ineptè ista, quamvis ad speciem longe ab invicem diversa & remota mihi conjungere & sociare placuisse quisquis benignè æstimare volet facile fatebitur, si cogitet, utrumque ad unam Græcæ Literaturæ classem pertinere, ac dictam de Bono inquisitionem magna ex parte ad eandem Historiæ illius gentis materiam referendam esse. Latinorum enim hic nullæ aliæ quam Subscriptorum Sequacium & Approbatorum partes sunt, qui novam aliquam Sectam commenti fuisse non reperiuntur, sed in Græcorum dogmatibus & placitis, prout hæc vel illa è contrariantibus Philosophicis Hæresibus illorum cuique placuit, perstiterunt.

Ex ipsis igitur Christianæ fidei & Theologicæ Sapientiæ principiis ostendere conatus sum, quinam ex antiquis istis Philosophis in capitali istà, & unicuique mortalium cognitu summè necessaria de summo Bono doctrina omnium optimè senserint, vel saltem ad veritatem præ reliquis quam proxime accesserint. Valde enim admirari & illorum vicem dolere compellor, quod qui rem acu, quod dicitur, tetigisse, confitendi sunt eoq; ipso immortalem laudem promeruerunt, nec olim pro merito æstimati fuerint nec hodie quæ illis deberetur apud memores gratosq; posteros obtineant celebritatem. Præterea ad oculum etiam demonstraturus sum, plerumq; istam de summo bono concertationem non nisi Logomachiam fuisse, ac præter paucos admodum reliquos ferè, licet diversimodè locuti fuerint, de re tamen ipsa in effectu idem sensisse. Ista in re & de plerisq; aliis tanto magis & tu, Ornatissime Vir & una tecum, judiciosi omnes contentionibus non nimis dediti Lectores tantò faciliorem mihi assensum largientur, ubi animadverterint, & velint, nolint, fateri compulsi fuerint, ipsos etiam Epicureos & Stoicos, quos è diametro ab invicem dissidere

vulgò

vulgò
contra
cos, id
tis in ha
certamin
tionem h
res, sed e
meam li
forte supe
veluptatis
Stoici ali
bonam C
construta
rietiam se
in hac tran
tum est, qu
mero supe
pernaci
hunc labo
virescent
nem ipsos
habeam. E
mos & man
res idem co
sensisse. A
norum Th
tin non po
profession
ad re amia
quibonq;
Telosipite
fenechate
iuncta hu
illa suavi
anos us

DEDICATIO.

vulgò creditur & persuasissimum habetur, sub diversis & ad speciem
 contrariantibus verborum involucris eiusdem & unius Amasiæ pro-
 cos, id est, virtutis Sectatores fuisse, licet utraque pars à plena verita-
 tis in hac nobili Controversia possessione abfuerit; Illis enim hujus-
 certaminis bravium debetur, qui per utriusque isti us sectæ commix-
 tionem huius inæstimabilis thesauri non tantum strenui indagato-
 res, sed etiam felicissimi inventores facti sunt. Hanc assertionem
 meam licet primâ fronte omnia in universum Stoicorum paradoxa
 fortè superare plerisque videbitur, verissimam esse, & in virtutis ac
 voluptatis, id est, veri & sinceri fructus ei usquem Aristoreli gaudium
 Stolci alique animi tranquillitatem, Democritus Euthymiam, nos
 bonam Conscientiam vocamus conjunctione huius vitæ felicitatem
 constitutam esse, nec alibi Christianæ professionis Hominibus, futu-
 ri etiam sæculi in illa interminabili æternitate beatitudinem quamdiu
 in hac transitoria vita lucis usura fruimur, quæri oportere, tam cer-
 tum est, quam in meridie Solem lucere, & à Myriade Henadem nu-
 mero superari. Id nisi persuadeam, omnibusque partium plus æquo
 pertinaci studio non deditis liquidò approbem, in vanum me
 hunc laborem, suscepisse libens fatebor. Hoc autem eò mihi procli-
 vius fore exinde spe minimè fallaci plenus sum, quod præter Cicero-
 nem ipsos etiam Carneadem & Chrysippum faventes & astipulantes
 habeam. Et quis non summopere miretur hos omnium ingeniosissi-
 mos & maximos è Porticus & Academiæ Sapientum numero aucto-
 res idem cum Epicuro eiusque in Horti cultura affectis de voluptate
 sensisse? Ac præterea, quod palmarium censeo à quoquam Christia-
 norum Theologorum ab hac fundatissima doctrina mea prius dissen-
 tiri non potes, quam fundamenta religionis nostræ everterit, sanctæ
 professioni suæ renunciavit, & salvificæ fidei parabatem egerit; Sed
 ad te amicorum candidissime redeo, utque hoc institutum meum æ-
 qui bonique consulere non graveris, amicissime precor. Ita longè
 Te sospitet Dator omnium bonorum Deus, & in hac cruda & viridi
 senectute Tua illique, quod rarum est, & omne pretium superat con-
 iuncta hilari comitate, qua absque ulla tetricitatis admixtione
 illa suavissimè conditur & iucundatur Tibi plurimos adhuc largiatur
 annos ut inclytæ Reip. Tuæ & Mihi aliisque Amicis qui est placidissimorum
 tuorum

DEDICATIO.

tuorum morum æquabilis tenor & amabilis constantia, Tullianorum
Catonis & Lælii vividum & in secula perennare dignum exemplum
geminata laude Tua integris adhuc præstes lustris & exhibeas. Hoc
amico amicus & longævo nec ipse novus terræ incola post expletum
iam ante annum, & quod excurrit, magnum illud Climactericum
tempus, à multis retrò seculis senum plerisque formidatum &
non populari tantum persuasione, sed philosophicis etiam
assertionibus fatale creditum, animitus opto apprecor
voveo. Dabam Col. Agrippinæ Calendis Feb,

Anno M. DC. LVI.



AD

AD LECTOREM

Allocutio.



Varijs modis, candide & benevole lector, de bonis literis, deque omnium ætatum Scriptoribus, quorum vel opera ad huc supersunt, vel infelicitum temporum aliorumve casuum injuria perierunt, mereri illos posse, qui vel sua vel aliena monumenta in lucem proferunt, non arbitror apud quemquam, qui quidem de rebus, ad eruditionem & doctrinas spectantibus, perite iudicare possit, inter dubia censeri, sed omnium confessione exploratissimum esse. Inter omnes hos principem locum, qui proprijs lucubrationibus literariam penum locupletant, facile obtinent & tuentur, dummodo eius generis, quæ edunt, sint, ut quod genio careant, merito suo traduci nequeant, nec sint vel recocta Crambe, vel ab alijs præmorsus cibus, ita ut nonnisi actum egisse, dum centies milliesve iam ab alijs dicta & repetita tædiosis simè iterant, vel etiam barbarè & ineptè contra rationalis Philosophiæ regulas, vel etiam contra paulo cultioris literaturæ præscriptum in operibus suis versati fuisse probentur; denique loco illorum, quæ proba & vera esse oportebat, omnia alia Lectoribus propinent, aut quocumque alio peioris notæ minimeque probando modum vendant, præstigias faciant & imposturas committant, Nec tamen reliqui, qui alterum istum, de quo dictum est, gradum, utpote aliquanto sublimiorem, vel conscendere non affectant, vel etiam ad illum assequendum impares sunt, laude sua fraudari merentur, prout illustria non pauca supersunt ex antiquitate pariter & proximorum Seculorum, nonnullaque temporis auctorum Exempla, qui aliorum opera & labores vel è tenebris erigendo, vel publicæ luci consecrando, vel Scholijs, notis, Commentarijs elucidando, vel contra reprehendentium calumnias defendendo celebritatem consecuti sunt, æternumque sibi ad omnem posteritatem nomen, hac etiam secundaria opera, pepererunt. Quo autem loco & quoto in ordine haberi & referri mereantur, qui eos, quorum labores interciderunt, quantum in ipsis est & fieri potest, ab oblivione asserere student, cuiusque iudicio relinquere constitui: non potest tamen ad minimum eorum conatus improbari, non una de causa, Primo enim digni sunt, quorum memoria conservetur, qui, ut de posteritate bene mererentur, quam potuerunt dederunt, operam, etsi, ut fit, non fuerint vitales illorum partus; eò quod satis constet, non esse statim libri vivere minus digni probationem, quod perierit, sitque extra omnem controversiam, quod *invidiosa*, ut Poëta ait, *Vetustas* multa & varia plurimorum auctorum absumpserit monumenta, quæ illis, quæ supersunt, quibusque adhuc fruimur, in nulla re fuerint inferiora, non pauca etiam, quæ cum supersitibus de palma certare, seu verius si adhuc vivant victoria potiri, & præferentiam mereri digna sint. Quis enim id affirmare detrectet, de Lib. Tullianis de Rep. de Livianæ Historiæ Centum & quinq; libris de libris viginti C. Plinij, de Romanorum con-

tra

A X

PRÆLOQVIUM

tra Germanos bellis, de Rerum Divinarum & Humanarum libris Terentij Varro-
nis, totque alijs illius Romanorum omnium doctissimi præclaris nullo pretio digne
æstimandis, lucubrationibus, de magna Annalium & maxima Historiarum Cornelij
Taciti partibus, nunquam sine maxima laude etiam post interitum & interceptam
cognitionem memorandis, quid de tot doctæ Græciæ Historicis, Poëtis, Oratori-
bus, Philosophis, Antiquarijs & Philologis, denique etiam de tam numerosis omnis
generis Romanis Scriptoribus, dicatur inter quos vel inprimis Servius Sulpitius &
plurimi alijs excellentissimi publici privatique Iuris Consulti eminuerunt, quorum
vel tenuia admodum fragmenta ad nos pervenerunt, vel penitus, solo suo nomine a-
pud posteros noti & superstitēs, interierunt.

Secundo, non ad antiquos illos per suorum operum interitum emortuos tantum-
modo hoc recensitionis genus pertinet, sed nobis etiam qui etiam nunc vivimus & in li-
teris versamur, veterumque memoriarum curiosi sumus inservit, Ne quid enim de
utilitate talis notitiæ, quæ multiplex sane est, nunc memorem, certe iucundum cognitū
est, scire quid de quaque re quique auctores scripserint, quamvis quæ scripserunt, eo quod
perdita sint, à nobis legi nequeant. Quid alijs eveniat ipsi scient, mihi in simili volupe
est novisse, in qua alicubi extent bibliotheca necdum editorum manu scripta, etsi illa
aliquando conspiciendi & degustandi vel nulla, vel incerta & exigua spes sit, idemque
mihi in non amplius Sozomenis de quibus hic agitur accidit. Tertio etsi abstertere à
lucubrando & ad posteritatis memoriam aliquid pangendo forte nonneminem pos-
sit tot præclarissimorum ex antiquitate voluminum evanida & intercepta cognitio, eò
quod novis sæturis, cum veterum deperditorum excellentia in comparationem veni-
endi nequaquam dignis, idem quod his contingere possit, è converso tamen ad moli-
endum & audendum aliquid, si non omnes, aliquos saltem excitare & animos illis ad-
dere indubium est, quod nō desit spes, tot priorum seculorum exemplis, ad minimum
Scriptoris nomen perennaturum esse, etiam post illorum, quæ scripsit, internecina
cladem In hoc igitur studiorum genere quos versari iuverit, cum quovis tempore nō
defuerint, fateri non erubescā, me etiam ad illorum exemplum iam inde à viridi ævo
in præsens usque illo mirificè delectatum fuisse, inque versatione bonorum auctorum
saltem vel aliud agendo eo plerumque respexisse, ut si in aliquem minus adhuc notum
& ab alijs vel præteritum, vel neglectum habitum inciderem, illius nomen & præstā-
tia, nonnulla ad minimum ex parte, de Græcorum Historicis præstiterim, visum fuit in
illorum honorem, quos eius generis sparsim hinc inde apud diversos reperissem, in u-
num quasi fasciculum colligere, & sub titulo Paralipomenon seu præteritorum pecu-
liari libello comprehensos, lectoris talium curiosi gustui exhibere. Extat huius argu-
menti præclarum opus Gerhardi Ioannis Vosij, prius Leidensis postea Amsteroda-
mensis Professoris, viri longè doctissimi, & Scriptorum suorum excellentia Iudicijque
magnitudine æternam laudem promeriti, post cuius uberiores messes hoc
qualecumque *SPICILEGIUM* collégisse *extravivum* esse puto nec po-
test etiam hæc, quantumvis paulò tenuior lucubratio *supra omnem ingenij aleam*

po-

positi auctoris obrectatio videri. Certe à mente mea longissimè illa abest, qui nihil magis in studiorum Palæstrà quam candidam & ingenuam simplicitatem amo, & æstimo, quàm etiam sine severioris censuræ acrimoniâ hæc mea legi optem. Quò minus autem se lector difficilem præstet, illius me voti participem facere de sequentibus mihi paucis admonendus videtur. Primò igitur mirum videri non potest, à prædicto auctore à me relatos præteriri, quod magna illorum pars primum eruta fuerit, postquam partim opus suum edidisset, partim etiam è vita abiisset, quod de illis, quos Meursius in Glossario, Alemanus ad Procopij Anecdota & Leo Allatius in elegantissimis Libris suis de Orientalis & Occidentalis sive Græcæ & Latinæ Ecclesiæ perpetuo consensu, denique Philippus Labbeus in novâ Bibliotheca sua in lucem revocarunt, iure videtur affirmari posse. Præterea nunquam vitio datum fuit, si in diffusæ materiæ tractatione quædam inquirentis industriam frustrentur & non omnes à quantumvis sedulo & indefesso Venatore in vastissimis saltibus capiantur feræ, uberrimarum denique mesium ab avidis licet & laboriosis collectoribus aliquot ad spicilegium relinquantur aristæ. Secundò nolim cuiquam improbari quod paulò ieiunius & succinctius in hoc argumento verser, nec enim propositum mihi fuit, apparatus & pompam adhibere, sed nudum potius Nomenclatorem agere, faciliè alijs relinquens, si qui volent latius extendere hanc neglectioris operæ telam, studiosæ illius oblectationis materiam. Cum enim primitus hos Historicos in ordinem redigere cepi, magis curavi, ne quàm prætermitterem, quam ut prolixum de illis sermonem instituerem, cuius locum, auctorum quorum fide nitior non allegatio tantum sed etiam, (in quibusdam saltem) excerptio supplebit, quæ iam pridem, tralatitio & non inutiliter recepto more, probari & placere cepit. Aboram, cum lucubrationi huic Colophonem imponerem illamque ederem, à Bibliotheca meâ, quæ fontica causa faciliè me lectori excusabit, si quid alicui putet uberius extendendû & clarius exponendû fuisse. Tertio fortè non deerût quibus methodus Abecedaria, utpote artis nihil habens, non satisfaciât, sed cum de plerorûque à me cõpilatorum ætate vix certi & accurati qui d constet, necessariò hac viâ eundum fuit, idque non sine multorum exemplo. Inter hos Laurentius Beierlinck meritò primas fert, qui magna lectorum commoditate, artificialem Zwingeri Methodum, in augmentatione Theatri vitæ humanæ, in hanc literariam commutavit. Et quis nescit istum literarium ordinem in hujus generis Scriptionibus pervulgatum & solemnem esse; cuius rei probatio, antiquiores quod attinet, Suidæ lexicon; è recentioribus Gellneri & Simleri Bibliothecæ, Possëvini denique Apparatus Sacer, locupletissima sunt. Quartò suspicor repertum iri, qui non probent, quod quosdam admiscuerim, qui ægrè inter Historicos locum suum tueri possint, sed de industria illos præterire nolui, ut tantò commodior præbeatur ansa, non mihi solùm sed etiam alijs, amplius de illis inquirendi, nec etiam quibusdam subtrahatur ita recensitorum promerita laus, quoquo modo de re Historica illarumque Cõmentariis bene meruisse, in quorum dilucidatione veterum Grammaticorû industria iuxta Poëtas ex professo & principaliter occupata fuit. Habeat igitur, in-

scriptio.

P R A E L O Q V I V M

nem quod attinet, hic locum vulgata regula: *à potiori fieri Denominationem.* Quinto, tantò minus vilipendi potest, hæc qualiscunque Incubrationcula, quod non exigua horum Scriptorum manus adhuc superfit, pervenerintque ad nos monumēta illorum, quod præcipuè ad illos pertinet, quos ex Meursio, Alemanno, Allatio & Labbeo relatos esse iam dixi, illisque ex Metaphraste mutuati accensendi sunt, licet exceptis his ultimis & Meursianorum parte hæctenus rari admodum prælo subiecti fuerint, & nonnisi manu scripti in Bibliothecis hinc inde latitantes & abditi, publica adhuc luce careant. Denique ut tenui huic ope læmantiffa aliqua nihilo gratiæ lucraretur, visum fuit discursum de veteribus Græciæ Philosophorum Sectis & Summo Bono attexere, utpote ad doctæ Helladis eruditionem æque spectantem, ideoque à præsentī Instituto, non toto, quod dicitur, cælo distantem & aversū. Confido igitur hunc conatum meum sinceræ veritatis & veræ felicitatis Sectatoribus non ingratum fore, eo quod in universa Philosophia, sine ulla controversia nil iucundius, nihil scitu dignius & magis necessarium occurrat, quam tam nobilis tamque variè antiquitus tractatæ & ventilatæ Questionis & controversiæ, verus status & penitissima cognitio; nimirum in quo consistat & ubi quærendum sit, *summum hominis in hac mortali vita Bonum*, & quamnam ex antiquis Philosophorum Scholis præ cæteris omnium rectissimè cedere senserint. Vale amice Lector, & sicubi lapsus sum benigne ignosce, si quæ meliora & uberiora habes, candidè & liberaliter ea in medium affer, & publicis usibus impertire.



*Summa
PARA.*